

1458 DOZA 3805

1458 DOZA nr. 3805, dd 4 januari 1458

Transcriptie Jan Timmers

De kinderen van wijlen Claes Peters (te weten Peter, Gijb, Liesbeth x Henrick Goossens en Katelijn x Jelis Heynen van Vynckel) verkopen een erfmud rogge aan Peter zoon van wijlen Peter Claes. De erfpacht had Claes Peters van Willem en Peter zonen van Peter Claes. Peter Claes had het van Art Ywaens van Veghel, die het weer had van Henrick Jan Everarts van Espdonk.

Wy Everart van Handel, Lambrecht Y(...oorkonde beschadigd...) Peter Goessens soen, Dirck Wautgers soen, Dirck Arts soen, Jan Voederarts ende Henrijck Wolff, scepenen in Ghe(...oorkonde beschadigd ...)uygen in desen openen brieve dat voir ons sijn komen Peter en Gijbe wittege soen wilner Claes Peters soen van den irsten bedde, Henrijc Goessens soen wittege man ende momber sijns wijffs Lijsbetten Jelis soen wilner Heynen van Vijnkel wittege man en momber sijns wijffs Katelinen wittege dochteren wilner des selver Claes Peters voirsr ende hebben gesamenderhant erffelyck vercoeft, opgedragen ende overgegeven Peteren wittege soen wilner Peter Claes soen een erffmudde rogge der maten van Ghemert jairlix ende erffelicx pachs altoes te gelden ende te betalen op onsser liever vrouwendach purificatio als men kerssen boert metten scepenen brieve dairt Claes Peters wilneer voirsr mede vercregen heeft tegen Willemen en Peteren soen wilner Peter Claes soen voirsr ende die selve voert vercregen hebben tegen Arden naturlic soen wilner Ywaens van Vechel ende meden scepenen brieve dairt Art voirsr mede vercregen heeft tegen Henrijck Jan Everarts soen waren van Espdonck gelijc alle die scepenen brieven vanden voirsr erffmudden roggen volkomelycke begrijpen ende inhauwen. Voert soe hebben die vercoeperen voirsr op dit voirsr erffmudden roggen ende op alle scepenbrijven dair aff mencie makende helmeling vertegen tot behoeff des coepers voirsr gelovende die vercoeperen voirsr den voirsr coeper dat opdragen, dat overgeven ende dat vercopen voirsr ewelyck vast ende stedich te houden sunder enych wederseggen ende alle voirkommer van hennen twegen inden voirsr erffmudde rogge wesende alremael den coeper voirsr aff sullen doen sunder argelyst. Besegelt mytter segel ons ghemeyns scependoms van Ghemert int jair ons heren dusent vijrhondert soven ende vijftich vijer dage in januari